

**CYFARFOD COMISIWN FFINIAU LLYWODRAETH LEOL I GYMRU A GYNHALIWYD
DDYDD MERCHER 15 GORFFENNAF 2009 YN NHŶ CARADOG, CAERDYDD.**

Comisiynwyr

Mr P J Wood (Cadeirydd)
Y Parch. H M Davies (Dirprwy Gadeirydd)
Mr J Bader (Aelod)

Ysgrifenyddiaeth

Mr E H Lewis (Ysgrifennydd)
Mr S Halsall
Mr D Carr
Mrs L Brough
Mrs A Prescott-Bird
Mr R Handscomb

1. DATGANIAD BUDDIANNAU

- 1.1 Ni ddatganwyd unrhyw fuddiannau newydd. Datganodd y Cadeirydd fuddiant yn eitem 7 ar yr agenda, sef Arolwg Etholiadol Castell-nedd Port Talbot gan fod ei wraig yn Gynghorydd Cymunedol ar gyfer Cymuned Crynant. **Cytunwyd** na fyddai'n rhaid i'r Cadeirydd adael yn ystod y drafodaeth.

2. COFNODION CYFARFOD Y COMISIWN A GYNHALIWYD AR 17 MEHEFIN 2009

- 2.1 Cytunwyd ar y rhain.

3. MATERION YN CODI

Datganiad Rheoli a'r Memorandwm Ariannol

- 3.1 Roedd y Datganiad Rheoli a'r Memorandwm Ariannol (MSFM) gydag Is-adran Noddi'r Comisiwn yn cael ei addasu er mwyn iddo gyd-fynd â'r Comisiwn. Disgwylir y byddai'r MSFM terfynol yn barod i gael ei lofnodi'n fuan.

Cynadleddau

- 3.2 Bu standin y Comisiwn yng Nghynhadledd Flynyddol Cymdeithas Llywodraeth Leol Cymru (CLILC) yn llwyddiant. Roedd aelodau o'r farn ei fod wedi bod yn gyfle ardderchog i godi proffil y Comisiwn. Cyfarfu'r Cadeirydd a'r Ysgrifennydd â Phrif Weithredwr ac Arweinydd CLILC a chawsant drafodaeth ddefnyddiol o ran rhoi dealltwriaeth well i'r ddwy ochr o farn y llall.

Fideogynadledda

- 3.3 Bydd yr Ysgrifennydd yn cyfarfod ag Amgueddfa Genedlaethol Cymru yn ystod y dyddiau nesaf er mwyn symud hyn ymlaen.

Llyfryn Arweiniad ar Arolygon Etholiadol

- 3.4 Bydd argraffiad nesaf y Llyfryn Arweiniad ym mis Medi a byddai hyn yn caniatáu cynnwys unrhyw bwyntiau a fyddai'n deillio o gyfarfod yr Aelodau â Gweinidog

Llywodraeth Leol Cynulliad Cymru yn ogystal â chynnwys unrhyw ohebiaeth a dderbyniwyd eisoes gan y Gweinidog.

Gweithdai Blynyddol

- 3.5 Roedd hwylusydd wedi'i nodi a'i logi ar gyfer y gweithdai i'w cynnal yn yr hydref.

Ymgysylltu â'r Cyhoedd

- 3.6 Byddai'r Ysgrifennydd yn ymholi ynghylch datganiadau i'r wasg â swyddogion Amgueddfa Genedlaethol Cymru yn ystod ei gyfarfod â hwy yn fuan. **Cytunwyd** y byddai datganiad drafft i'r wasg yn cael ei baratoi ar gyfer cyfarfod nesaf y Comisiwn.

4. AROLWG CYMUNEDOL BRO MORGANNWG – ADRODDIAD CYNIGION TERFYNOL

- 4.1 Adroddwyd bod ymgynghorydd cyfreithiol y Comisiwn wedi ystyried drafft o adroddiad Cynigion Drafft Bro Morgannwg ac wedi awgrymu newid i'r cynnig. Cytunwyd newid i'r trefniadau etholiadol yn ward Trebefered, Llanilltud Fawr gan y Comisiwn. **Cytunwyd** y byddai'r newid yn cael ei ymgorffori yn yr adroddiad cynigion Terfynol a allai gael ei gyfieithu a'i gyhoeddi.

5. AROLWG CYMUNEDOL BLAENAU GWENT – ADRODDIAD CYNIGION TERFYNOL

- 5.1 Adroddwyd bod Cyngor Bwrdeistref Sirol Blaenau Gwent wedi awgrymu newid i'r ffin arfaethedig rhwng Cwm a Glynebwy, sef cynnwys Hall Street yng Nghwm. **Cytunwyd** mabwysiadu awgrym y Cyngor. **Cytunwyd** y gallai'r adroddiad cynigion Terfynol gael ei gyfieithu a'i gyhoeddi.

6. AROLWG ETHOLIADOL CASNEWYDD – YSTYRIAETH O GYNLLUNIAU PELLACH

- 6.1 Roedd aelodau wedi gofyn am ddau gynllun etholiadol pellach ar gyfer Casnewydd a oedd wedi'u paratoi ar gyfer y cyfarfod. Ystyriwyd bod rhinwedd i Gynllun 6 ond byddai angen rhywfaint o newid arno er mwyn darparu cymhareb well rhwng cynghorwyr ac etholwyr a chydraddoldeb o ran amrywiant o'r cyfartaledd sirol. Byddai'r cynllun 6 diwygiedig yn golygu gostyngiad yn nifer y cynghorwyr o 50 i 45 a gostyngiad yn nifer yr adrannau Etholiadol o 20 i 12. **Cytunwyd** y byddai Cynllun 6 yn cael ei ddiwygio fel y trafodwyd ar gyfer yr Adroddiad Cynigion Drafft.

7. AROLWG ETHOLIADOL SIR DDINBYCH – YSTYRIAETH O GYNLLUNIAU PELLACH

- 7.1 Ystyriodd aelodau'r ddau gynllun etholiadol pellach ar gyfer Sir Ddinbych. Ystyriwyd bod rhinwedd i Gynllun 4 ond byddai angen rhai newidiadau a gymerir o

Gynllun 5 er mwyn darparu cymarebau cyffredinol gwell rhwng cynghorwyr ac etholwyr a chydaddoldeb o ran amrywiant o'r cyfartaledd sirol. Byddai'r cynllun 4 diwygiedig yn golygu gostyngiad yn nifer y cynghorwyr o 47 i 40 a gostyngiad yn nifer yr adrannau Etholiadol o 30 i 18. **Cytunwyd** diwygio Cynllun 4 fel y trafodwyd ac y byddai'n cael ei fabwysiadu ar gyfer yr Adroddiad Cynigion Drafft.

8. AROLWG ETHOLIADOL CASTELL-NEDD PORT TALBOT – YSTYRIAETH O GYNLLUNIAU PELLACH

8.1 Ystyriodd aelodau'r ddau gynllun etholiadol pellach ar gyfer Castell-nedd Port Talbot. Y farn oedd mai Cynllun 5 oedd yn darparu'r cymarebau gorau rhwng cynghorwyr ac etholwyr a chydaddoldeb o ran amrywiant o'r cyfartaledd sirol. Byddai'r cynllun 5 diwygiedig yn golygu gostyngiad yn nifer y cynghorwyr o 64 i 58 a gostyngiad yn nifer yr adrannau Etholiadol o 42 i 19. **Cytunwyd** y byddai Cynllun 5 yn cael ei fabwysiadu ar gyfer yr Adroddiad Cynigion Drafft.

9. AROLWG ETHOLIADOL SIR Y FFLINT – YSTYRIAETH O'R CYNRYCHOLAETHAU A'R CYNLLUNIAU CYCHWYNNOL

9.1 Nododd y Comisiwn y cynrychiolaethau cychwynnol a dderbyniwyd a'r cynlluniau drafft a luniwyd gan yr Ysgrifenyddiaeth. **Cytunwyd** y byddai'r Ysgrifenyddiaeth yn cynhyrchu dau gynllun arall er mwyn gweld a fyddai modd gwella cydraddoldeb democrataidd ymhellach a'r amrywiant o'r gymhareb 1:1,750.

10. CYNNYDD YNGHYLCH AROLYGON

10.1 Cyflwynwyd amlinelliad o'r sefyllfa i Aelodau. Disgwylir y byddai:

- Adroddiadau Cynigion Drafft ar gyfer arolygon etholiadol Casnewydd, Castell-nedd Port Talbot a Sir Ddinbych yn cael eu cyflwyno i gyfarfod mis Awst a'u cyhoeddi ym mis Medi;
- Cynlluniau ar gyfer arolygon etholiadol Môn a Rhondda Cynon Taf yn cael eu cyflwyno i gyfarfod mis Awst;
- Cynlluniau pellach ar gyfer arolwg etholiadol Sir y Fflint yn cael eu cyflwyno i gyfarfod mis Awst;
- Arolwg etholiadol Merthyr Tudful yn cychwyn ar 16 Medi ar yr un amser â'r cyfarfod â'r Cyngor;
- Arolwg etholiadol Caerdydd yn cychwyn ar 21 Gorffennaf ar yr un amser â'r cyfarfod â'r Cyngor;
- Arolwg etholiadol Conwy wedi'i symud ymlaen ar yr amserlen i 24 Medi;
- Arolygon etholiadol Caerffili, Blaenau Gwent a Bro Morgannwg wedi cael eu symud yn ôl ar yr amserlen er mwyn rhoi amser i Gynulliad Cymru Iunio Gorchmynion ar gyfer arolygon cymunedol a gwblhawyd yn ddiweddar;
- Nid oedd arolwg Cymunedol Sir Benfro wedi'i dderbyn o hyd oddi wrth y Cyngor er bod rhywfaint o ddata mapio wedi'u derbyn ynghylch hyn.

10.2 Cyhoeddwyd Cynigion Terfynol ar gyfer Arolwg Siroedd wedi'u Cadw Powys a Morgannwg Ganol. Cyhoeddwyd cynigion ar gyfer Arolwg Cymunedol Caerffili a Chynigion Drafft Pellach ar gyfer Arolwg Cymunedol Abertawe.

- 10.3 **Cytunwyd** cyfeirio'r llythyron cychwynnol ar gyfer yr haen nesaf o arolygon at arweinwyr y cyngorau er mwyn cyflymu'r broses.
- 10.4 Adroddwyd nad oedd dim wedi'i dderbyn gan Gyngor Bwrdeistref Sirol Torfaen na Chyngor Sir Gaerfyrddin ynghylch yr arolygon cymunedol roeddent i ymgymryd â hwy. Cysylltwyd â'r ddau awdurdod a disgwyliid am atebion. **Cytunwyd**, yn ddibynnol ar yr ymatebion a dderbyniwyd gan Dorfaen a Sir Gaerfyrddin, y byddai'r Ysgrifenyddiaeth yn ysgrifennu at y ddau awdurdod eto gan eu hysbysu y byddai'r arolygon etholiadol ar gyfer eu hawdurdodau yn mynd yn eu blaenau gan ddefnyddio'r cymunedau a'r wardiau cymunedol presennol os na fyddent wedi cyflwyno rhywbeth i'r Comisiwn mewn pryd.

11. **ADRODDIAD SWYDDFA ARCHWILIO CYMRU – CYNNYDD EI ROI AR WAITH**

- 11.1 Nododd yr Aelodau'r sefyllfa a'r cynnydd o ran y Cynllun Strategol a baratowyd ac a oedd yn barod ar gyfer ymgynghori yn ei gylch yn y gweithdai a drefnwyd i'w cynnal yn yr hydref. Nodwyd y gwnaed cynnydd pellach ynghylch cysylltu â rhanddeiliaid gan fod gan y Comisiwn stondin gwybodaeth yng nghynhadledd Cymdeithas Llywodraeth Leol Cymru ac roedd un arall ar y gweill ar gyfer cynhadledd flynyddol Un Llais Cymru ym mis Hydref. O ran mesurau perfformio, roedd y Comisiwn wedi gwneud cais Fuddsoddwyr mewn Pobl ac roedd cyfweiliadau ar ddigwydd.

12. **ASiantaeth Yr Amgylchedd Cymru – Strategaeth Gorfforaethol Ddrafft**

- 12.1 Ystyriodd Aelodau'r strategaeth gorfforaethol ddrafft. Nodasant ei bod yn cynnwys cyfres o fwradau strategol ond bod angen cynnwys blaenoriaethau a cherrig milltir. **Cytunwyd** y byddai'r Ysgrifennydd yn paratoi ymateb i Asiantaeth yr Amgylchedd gan gynnwys sylwadau'r Aelodau am y strategaeth ddrafft.

13. **UNRHYW FATER ARALL**

- 13.1 Nododd Aelodau'r drafft o Adroddiad Blynyddol 2008-09. **Cytunwyd** anfon copiâu electronig i Aelodau ar gyfer rhoi adborth am olrhain newidiadau trwy gyfrwng negeseuon e-bost.

14. **DYDDIAD Y CYFARFOD NESAF**

- 14.1 Pennwyd dyddiadau'r cyfarfodydd nesaf fel a ganlyn:

Dydd Mawrth 11 Awst 2009 am 10.45 am

Dydd Iau 17 Medi 2009

Dydd Mercher 7 / 8 Hydref 2009 (yn dilyn y Gweithdy)

Dydd Mawrth 24 Tachwedd 2009 (yn dilyn y Gweithdy)

Dydd Mercher 16 Rhagfyr 2009 (yn dilyn y Gweithdy).